

www.BibleForChildren.org

Matyu 26



Maain wi ham
Jisas pike kan
wit Betani, wit
kerek Lasaras kewiyen.
Hirak mitik kerek Jisas
kikiak te pike kekrit.
Me wi im, wi hispinak
kiutip (6) wen mepu
ere mit nererik nanim
menmen me Pasova. Me wi im
mit hir han tewenin nipaa God
kenep mit ne Isip, te hir Isrel au.



Te mite niuk
mire Maria, hire
yenten pe Lasaras
wekin min tipar me
nu nad minin mekrerem
me mit hir newir pewek
iuwe nantiwem, hire
wewenem mentar Jisas
hit mirak. Epei au, hire
wesiunenim meriuwe paan kire.
Tipar yaaim minin mekre winak au
han iuwe kewen.



Jisas katip epei au, Judas ke wit Iskeriot hirak mitik
kiutip ke mit disaipel hiswiyen wik (12) kerek nises him
me Jisas, hirak ken witeik. Hirak ken
kiun mit iuwe ne pris kerek newet
God menmen me mit, hirak
kewepyapir Jisas kakwetirek.
Hir mit en nerteiyek, hir han
yaaik, hir natip Judas
hir nanwetiwek
pewek mamrerim.
Hirak kinaiwiri
ken han
kitet hirak
kakwetirek
kakirkeik.



Hirak katip epei au, mit disaipel
niriakem nar ke Jisas epei
ketpiwekitem, te hirakit
temani menmen me Pasova.


Hir wen naam menmen nanu en,
Jisas kekin bret kitehi God
katip hirak yaaik. Epei au,
hirak kewepik kewet
mit disaipel nirak
em hir nanim,
te hirak
katip, "Yi
yetiwem yayim
hiram mamir
ke yink kai."



Hirak katip epei au, hirak kekin
tipar wain mekre hesnu hak,
te hirak kitehi God keriuwerem,
te hirak kewetirem katip, "Yi
yapirwe eiyim im em. Im em hiram
hemkre mai mamwen te God
kakises him mirak te kakisak
menmen enum me mit
miyapir yapirwe."



Jisas ketpor epei au, hirak katip Pita, "Saimon, Saimon, emtewek! Mitik enuk Seten, God epei ketpiwek te hirak kakmitipin me menmen kakri han ke yi mit. Hirak kakriakem kakir ke mitik kerek keit rais nikim keses haas kewis nikim yaaim mamwaai in, kewir haas men ein. Te hi epei hitehi God kakikepit ti Saimon te ti ehises him yaaim ap te menmen mamiwaankem."



“Maain te ti pike eweikin ehisisa, ti ekaap nit yinan in.”
Pita katip keremiriwek him kar ik: “Mitik luwe,
hi ap hinaain te hawir wauno winak enuk hi
hahi etikewit.” Jisas ketpiwek, “Pita, hi
hetput. Suware ap te kaknep enum
wen au ere ti epei atip
wikak te ti ap
erteiya au.”



Hir natip epei au, Jisas ken ketikeri nen ti hak mit nenewek wit Getsemani. Hir niun en, hirak ketpor, "Yi eiyu in en, hi ano pinak ein ehitehi God menmen." Hirak kitehi God kar ik: "Haai kai ti hertei hirak menmen yapirwe. Ti esiuwe menmen enum im mamno emnopin emkeipo. Te hi hises han kai au, han kit."




Judas keit mit ne ami han netike mit kerek naanmipre winak iuwe ke God kerek mit iuwe pris netike mit han ne Farisi hir neriuweti nanino, hir yapirwe netike Judas nen ni im em. Hir netenen yipo henmik, hir nemsiu si nen. Mitik disaipel kiutip kiwaai hine ke his kenep mitik kirak menmen me mitik iuwe pris, hirak keremir nikip me his yaaim mewen meket. Au, Jisas katip keremiror him karik: "Epei au werek. Eiwisik." Hirak keit nikip pike kemptin mau paan kirak epei werek te mitik kire yaaik.



Hirak katip epei au, hir netiwekhis neriyaak neiyik nen
nekre winak ke mitik iuwe hetpris. Pita kisesi
wen keit yanimin. Hir mit
ne polis niman si nau
menep ke winak iuwe
eik ek. Epei au, mit
nererik nau si,
Pita kan kau
ketikeri.



Mitik kiutip kiriak
menmen me mitik pris
iuwe, hirak ke weiwik
me mitik kerek Pita
keremir nikip mirak,
hirak kitiwekhi kar ik:
“Nipaa hi herp ni eim, hi
hirit ti herp hetikerek yeit
ein o au?” Pita au kiune
keteipim katip kar ik: “Ti
hira au.” Hirak katip epei au,
suware katip. Hirak han kitet
menmen im te hirak ken
wit eik kikit wisenum.




Mit ne kaunsil nemtau him me Jisas epei au, mit yapirwe nekrit nari Jisas neiyik nen mitik iuwe gavman Pailat. Pailat kitiwekhi, "Ti Mitik luwe king hinin naanmipre mit ne Isrel a?"


Jisas kewenhi katip, "Ti hirekes hetpim me hi kerekek." Mitik Pailat hanhan kaknaaiwir Jisas kakno, te hirak pike kenine

mit yapirwe ketpor kar nipaa hirak ketpim. Te hir ninap natip,

"Ewisik eku nu tentarakit!
Ewisik eku nu tentarakit!"




Hir natip menmen im epei au,
Pailat kewet mit nirak ek te hir
netiwekhis neriyaak nen
newenkekik kaku nu tentarakit.
Mit ne ami nirak hir netiwekhis,
hirak kekerir nu kirak hirak keiyik
ken wit niuk mirak "Wit Herwe
Paan" kerek mit ne Isrel nenewek
"Wit Golgota."



Hir newenkekik keit ein. Hir newenkek
mitikit wiketeret tentar nu tentarakit
tetikerek. Kiutip kau ken his yaaim
kiutip kau ken his henkik,
Jisas kekre nimin.



Wepni wen ap kir te wit toto, laplap kerek nipaa mit
nimian mekre winak iuwe ke God ek miwapin haau hak
holi tru mit nehimitanek ke God, hiram mewep
wiketerem. Mar im God keteikin mit
Jisas kaa kakinke weipir te
mit hekrit hekrit nanitehi
God nanit ninaan mirak.
Menmen im man epei au,
Jisas kinap kenine him
iuwe, "Haai, hi esiuwe
himin kai kaknawir
yink kai te hi hahi."
Hirak katip epei
au, hirak kaa.



Maain petko matip, Josep ke wit
Arimatia kan kir Pailat kentar
hirak mitik iuwe hak ke
kaunsil. Hirak kemerir God
kaknen naanmipre mit.
Hirak ap kinaain au, te
hirak ken kir Pailat
kitiwekhi ke herwe
yink ke Jisas.

Josep hirak
kewir pewek keit
laplap yaaim mire
hike, hirak kenke Jisas
yink kirak kewir laplap
keweiknenik kewapinek
kewistik kekere hei ke
nan iuwe. Epei au,
hirak keriuwet nan iuwe
keiyepet hei him kirak.



Teipmen, wi kerek mises wi mit nemani
menmen me Pasova, mit iuwe ne
pris netike mit ne Farisi hir
nen nanir Pailat. Hir nen
nanir Pailat hir nitiwekhi
netpiwek nar ik: "Mitik
iuwe, haiu mit han
kitet him ham im
nipaa mitik enuk
kewenin

him hirak
ketpim."



“Hirak katip, ‘Wi wikak epei au, hi pike ekrit ehu.’ Hirak katip epei au, hir nen newis waai neriuwesis hei. Nepei au, hir newis mit han ne ami hir nerp en naanmire herwe hei im.”



Maain wi Sabat epei au, menep kakre
wanewik me wi Sande, Maria pe
wit Magdala wetike Maria hap
hir nen nanir hei kerek mit
newis Jisas kekrerek.

Hir nen nanir hei
waswas ti kitanik
kentar ensel ke
Mitik luwe God


kinaaiwir wit
kirak kekiuwe kan
ti keweikin nan
kenkerek kerek
kiwapin him
ke hei.



Hirak keweikin nan kenkerek
epei au, hirak kau kenterik.
Ensel hirak kau kenterik,
mit han ne ami kerek
naanmipre hei ke herwe
kekrerek, hir nirek hir
nepirpir wisenum
nenkewin niwaai ti
nar ke herwe epei
maa.



Te ensel katip miyapir wik kar ik:
“Yi ap einapen au emit! Hi
hertei yi yinyatin Jisas kerek
mit newenkekik kau nu
tentarakit hirak kaa.
Hirak ap kaa kiwaai in
au. Hirak epei kekrit
kar ke nipaa hirak
ketpim. Yi einen in




eiyr wit kerek
nipaa hir newisik
hirak kiwaairi.”



Hirak ketpor epei au, miyapir in ninaaiwir
hei ik nepirpir hir han yaaik nesiuknen
nen nantip mit nirak disaipel. Hir
wen nesiuknen nitet yayiwe,
Jisas kewenyipiri kewisik
yayiwe hirak ketpor, "Yi
nepei yan?" Hirak ketpor
nepei au, hir nan menep

neiyewo
hit mirak newenipiyek.





Maain, hir mit disaipel n̄rak hiswiyen kiutip (11) nau naam menmen, Jisas kan keneri kentar hir han to enuk nepu, hir ap nemtau him me mit n̄paa nepei n̄r Jisas. Mitik luwe Jisas ketpor epei au, God ketiwekhis ken wit kirak. Hirak ken kau menep his yaaim me God.



God hanhan mit ne ti ik iuwe
te hirak keriuwet nikan kirak kiutip
kerekek kan ti ik. Te neimin kerek
nanisesik, hir ap nani au. Hir
nanu nanit nantike God
tipmain tipmain
enum eik.



Rom 3:23 Hiram menmen weinim mentar mit miyapir yapirwe nerer wit wit hir epei niriak enum, te God ap kakwenipiri kakitpi hir yaain au.

Rom 6:23 Yi eiwis menmen enum mamri han ki yi eiyisesim te maain yi eiyit menmen im: Hiram mamnipi yi yayi! Te menmen yaaim God kakwetaiyem weinim, hiram menmen im: Haiu mamtike God haiu mamu mamit tipmain tipmain enum eik mamintar haiu mit miyapir ne Mitik kaiu luwe Jisas Krais!

Hibru 9:27 Mit miyapir yapirwe nani te maain hir nanir God, hirak skelim menmen mit miyapir in niriakem.

Efesus 2:8 Yi epei yises him me Krais, te God hanhani hirak kaktihis. Yi ap yikaap hiras au. God kerekek kerekiyem weinim.



Efesus 2:9 Yi ap yiriak menmen yaaim, te God ketihis au, te mitik kiutip ap kakwenipi hirekes kaktip hirak iuwe taau! God kerekek!

Rom 10:9,10 Haiu matip mit miyapir menmen mar im: "Yi eitip eiriuwe him ki yi eitip, 'Jisas hirak Mitik Kaiu luwe naanemprai,' yi han kitet eikre han ki God nepei kikiak Jisas kerek kiwaai kekre nimin ke mit nepei naa, hirak pike kekrit kau, te God kaktihis." Haiu han kitet menmen me Krais mekre han kaiu, haiu matip meriuwe him maiu haiu misesik, te God katip haiu mit yaain, hirak kaktaihis.



Jon 3:16,17 God hanhan mit ne ti ik iuwe te hirak keriuwet nikan kirak kiutip kerekek kan ti ik. Te neimin kerek nanisesik, hir ap nani au. Hir nanu nanit nantike God tipmain tipmain enum eik. God ap kesiuwe hi Nikan kirak hi han ti ik skelim mit au. Hi han hahi akaap mit ne ti ik.

1 Jon 5:11-13 God ketpai him im e. Hirak epei kekepei haiu mamu tipmain tipmain enum eik. Hirak kekepei keriuwet Nikan kirak kan kaa kentar nu tentarakit kesak menmen enum haiu miriakem. Keimin ketike Jisas tau han kiutip, hirak kaku tipmain tipmain enum eik. Keimin au, ap te kaku kaktikerek au. Hi hewisi tiwei ik te yi mit kerek yises Nikan ke God yi eiyirtei yi yayu tipmain tipmain enum eik.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Au Bible (avt) © 1982, Wycliffe Bible Translators, Inc. All
rights reserved.

<https://live.bible.is/bible/AVTWBT/MAT/1>

©2026 Bible for Children, Inc.

www.M1914.org

www.bibleforchildren.org

